

zati E. Et per Consequens verâ Dei cognitione sunt præditi. (4) Probo idipsum Exemplo *Johannis Baptista* Luc. 1. qui, contempto Christo, in utero *Elisabethe* præ gaudio subsiliit. Gaudium vero istud Johannis verè spirituale fuit, ex verâ in Christum fide profectum, quia refertur inter fructus fidei. Gal. 5. Fructus enim fidei sunt pax & Gaudium E. Johannes, adhuc in utero materno existens, verâ fide præditus fuit. NB. Hoc Exemplum adducitur, non ut ostendatur, fidem in reliquis infantibus excitari eodem modo à Spiritu S. quo in Joh. Bapt. excitata est, nam in illo fides miraculosè, extraordinariè & immediatè, in reliquis infantibus per media, ad fidei productionem ordinata; sed in eum finem producit hoc exemplum, ut illustretur, in Infantes *δύναμις* seu potentiam credendi cadere, *nam apud Deum nullum verbum est impossibile*; Si E. potuit Deus in Joh. Bapt. fidem accendere extraordinariè & immediatè, cur non possit Spirit. S. ordinariè fidem in reliquis infantibus excitare. Sed excipiunt nonnulli contra hanc assertionem *Instantiam* quandam, dicentes. (1) In Infantibus per ætatem deesse usum rationis. E. nec Christum cognoscere Resp. Negando (1) Consequentiam, nam usus rationis potius impedit, quàm promovet fidem. (2) Quicquid infantibus per ætatem deest, id eis supplet Spirit. S. per Baptismum. *Instant.* (1.) Infantes non possunt audire verbum DEI, per quod fides accenditur Rom. 10. E. infantes in Christum credere eumque cognoscere non possunt. Resp. 1. Ex auditu fides est, sc. in adultis, in Infantibus verò accenditur fides per Baptismum. Sic E. duplex medium accipiendæ fidei Deus ordinavit, pro diversitate Hominum, Adultis sc. verbi Div. auditum, infantibus vero Baptismum. (2) Negando Consequentiam, hoc enim tantum sequitur, quia non possunt audire verbum Dei. E. infantes destituuntur cognitione Dei sc. Discretâ mysteriorum Dei, quæ est ex auditu verbi Dei. Et sic 3. distingv. inter veram in Christum fiduciam, & discretam mysteriorum Dei Cognitionem: *Jam à Negatione Discretæ Mysteriorum Dei Cognitionis, ad Negationem fidei Salvificæ non valet Conseq.* licet enim infantes careant discretâ istâ mysteriorum Dei cognitione, non tamen fide in Christum salvificâ destituuntur. *Instant.* (3.) Non tamen sentiunt actum fidei. E. non credunt